

Wanem prodak nao fama bai I ekspektem sapos hemi manejem gud wudlot o plantesen blong hem?



3. Prodaks

Bes prodaksen long saed blong kwaliti timba I kro big-
wan long wan stret stampa nomo long wan tri nomo
sapos oli manejem gud wudlot folem ol manejmen
tekniks ia.

Rison hemi from:-

- Ol tri oli helti, bebet I no kilim ol tri long wudlot o
plantesen mekem se ol timba i save stap longtaim.
- Oli save karem bigfala mani long timba.
- Hemi olsem wan bank we I laef I stap long kraon
mo oli save usum olsem wan Karanti blong siki-
urem wan lon long bank from wan bisnis o
buildem haos.
- Hemi fiuja blong ol pikinini blong tomoro.
- Hemi addem ekstra valiu long kraon.
- Valiu blong wudlot hemi hae mo sapos oli planem
ol akrikalja krops wetem ol wud ia mo fama I save
winim mani long ol difren taim bifo I karem mani
aot long ol wud blong hem.

Sapos yu wantem moa infomesen
long saed blong manejem gud wan wud-
lot o plantesen, plis

kontaktem eni Ofis blong Dipatmen
blong

Forestri long Provins klosap long yu
blong oli save helpem yu.

Telefon namba blong ol forestry ofis
long ol Provins I go olsem,

- | | |
|--|-------|
| 1. Forestri Dipatmen HQ long Shefa | 23171 |
| 2. Forestri Dipatmen long Tafea | 88634 |
| 3. Forestri Dipatmen Ofis long Malampa | 48705 |
| 4. Forestri Dipatmen Ofis long Sanma | 36616 |
| 5. Forestri Dipatmen Ofis long Penama | 38186 |
| 6. Forestri Dipatmen Ofis long Torba | 38557 |

Produced by Phyllis Kamasteia
Mapping Officer
Planning Section



September, 2010

Dipatmen blong Forestri I prodium smol liflet ia wetem
faensial sapot blong NZAID long saed blong neseri es-
tablishmen mo wudlot manejmen.

1. Pruning hemi bes teknik blong applaem long wudlot o plantesen blong Waetwud.



1. Pruning (Fasin blong katemaot ol fes branj) long wan tri.

Waetwud I no nidim pruning be oli save applaem nomo long stret taim afta 3 yia sapos hemi gat fok o gat tu stampa. Katemaot smol wan mo livim bigfala stampa I stap. Mekem bakagen afta 2 o 3 yia sapos I gat wan fok bakagen. Fasin ia I save stop nomo taim tri I kro longfala bitim haet blong wan man.

Rison blong applaem teknik ia hemi blong:-

- Mekem se stampa blong waetwud tri I kro smut mo I stret wetem wan bigfala stampa nomo.
- Impruvum kwaliti blong timba mo leftemap valiu blong hem long lokol o ovasi maket.
- Ridiusum ol problems blong katem timba mo tanem I kam olsem ol finis timba prodaks.

Tingabaot se blong ol Waetwud tri oli kro gud oltaim, katemaot wan stampa mo livim wan nomo I stap blong helpem tri I kro gud.

2. Thining hemi narafala bes teknik tu blong applaem long wudlot o plantesen.



2. Thinning (Fasin blong katemaot samfala tri sapos oli fasfas tumas insaed long wudlot o plantesen)

Narafala teknik we oli mas applaem taim ol Waetwud oli kasem 10—15 yia hemi blong katemaot ol smol waetwud tri we oli fasfas tumas o I gat nara tri we oli no kro gud nating wetem hemia we oli bin planem mo kipim hemia nomo we I kro stret.

Rison blong applaem teknik ia hemi blong:-

- Mekem se waetwud I kat inaf speis mo kakai long kraon blong helpem ol tri blong oli kro gud mo helti.
- Lukaotem gud ol waetwud nomo we oli planem folem speising blong mekem se bai I gat gudfala timba prodaksen we valiu blong hem I hae.
- Inkrisim kro mo valiu blong Waetwud tri.
- Ol kaen wud we oli kro andanit long shed ia nao oli safamo. I minim se ol kaen wud olsem ia nao, oli mas katemaot blong I no kompit from kakai long kraon mo san wetem ol Waet wud we oli bin planem.
- Janis blong yusum mo winim kwik watu long ol yang Waetwud tris we yu thinnem .

3. Widing tu hemi nara samting we I kontribiut bigwan long manejmen insaed long wan wudlot o plantesen.



3. Widing (Fasin blong katemaot kras o rob we I fasfas raon long stampa blong Waetwud)

Widing aktiviti I save tekem ples long wan taim long evri 2 wik. I minim se fama I save katem kras tu taim nomo long wan manis. Bai I dipen plante tu long weta mo wanem kaen bus we oli planem Waetwud long hem. Sapos tumas ren, I minim se I mas gat mo widing long wan manis. I kat tri kaen widing:-

- **Ring widing** (katemaot kras o rop 1 mita raon long stampa blong tri).
- **Laen Widing** (katemaot kras o rop 1 mita aot long tufala saed blong laen blong ol tri we oli planem).
- **Openemap laen** (katemaot ol narafala tri we oli stap long saed blong laen blong ol waetwud we yu planem).

Rison blong katemaot kras o rop raon long stampa blong Waetwud tri I blong:-

- Tri I fri blong kro hariap mo bai I gat wan hae pesentej blong ol tri we I laef.
- No alaoem tri blong kro krukut blong I no spolem kwaliti blong timba blong tri ia.
- Ples I klia blong stopem sik ino afektem kro blong tri blong hemi kro helti oltaim,